



UNIVERSITÄTS-  
BIBLIOTHEK  
PADERBORN

# **Jus Canonicum Ad Libros V. Decretalium Gregorii IX.**

**Huth, Adam**

**Augustæ Vindelicorum, 1732**

2. De Cohabitatione Clericorum & mulierum

---

[urn:nbn:de:hbz:466:1-63433](https://nbn-resolving.org/urn:nbn:de:hbz:466:1-63433)

## TITULUS II.

## De cohabitatione Clericorum &amp; Mulierum.

**Q** 1. *Quibus feminis cohabitare Clerici permittant vel non permittant?* Resp. Permissum est à Jure Clericis (quo nomine potissimum veniunt initiati Ordinibus Sacris) cohabitare, id est, in iisdem ædibus commorari feminis non suspectis; quales præsumuntur conjuncti in primo vel secundo gradu *consanguinitatis*, licet juvenes sint *c. 9. h. t.* ubi & ratio additur. Si tamen & hæc incontinentis vitæ suspicionem, aut scandali occasionem præberent, reprobæ vendæ sunt atque expellendæ, etiamsi mater aut soror. *c. 1. h. t.* 2. Permissum est Clericis habitare in eadem domo cum illis, quæ de hujusmodi conjunctarum familia sunt, ut sunt fratres &c. *can. 27. dist. 81.* 3. Permissum est Clericis in servitium suum assumere foeminas extraneas provectioris ætatis, honestæ famæ, & extra suspicionem incontinentiæ existentes. *can. 16. dist. 32.* 4. Utrum licentia cohabitandi personis sanguine junctis &c. se extendat ad Episcopos, aliosque similes Prælatos Ecclesiasticos, dubitatur, idque propter Clericos cum Episcopis commorantes; sed dicendum, casu quo abest periculum scandali & incontinentiæ suspicio, licet in eadem



eadem domo retineri posse tales personas. Pirh.  
h. t. n. 5. & arg. can. 6. dist. 77.

Q. 2. *Quanam pœna statuta sint in Clericos  
fœminis suspectis cohabitantes, vel qui omnino con-  
cubinarij sunt?* Resp. 1. De Jure veteri variæ pœ-  
næ tam in concubinarios Clericos, quàm forni-  
carios tantum statuta sunt, ut habetur in can. 24.  
inter Can. Apost. can. 2. & 9. dist. 28. can. 5.  
dist. 82. c. 2. 4. & 6. h. t. De jure novo Trid.  
sess. 25. c. 14. de res. procedendum est contra il-  
los seq. modo. 1. Jubentur moneri specialiter.  
2. Si ita moniti non desistant, habeantque ali-  
quod beneficium, ipso factò privati sunt tertia  
parte fructuum, qui vel fabricæ vel alteri pio lo-  
co, arbitrio Episcopi applicentur. 3. Si nec  
ita se emendaverint, eo ipso amittunt fructus  
omnes, ac insuper ab administratione beneficio-  
rum, quamdiu Ordinario videbitur, suspendi  
debent. 4. Si nec hoc profecerit, perpetuò ju-  
bentur privari beneficiis, pensionibus, officiis  
Ecclesiasticis, & insuper fiunt inhabiles ad ea, &  
ad dignitates ac honores quoscunque. 5. De-  
nique, si nec sic resipuerint, excommunicandi  
sunt.

Q. 3. *Quid requiratur, ut hæ pœna incurran-  
tur & rectè infligantur?* Resp. 1. Clericus debet  
esse verè concubinarius, id est hoc loco, con-  
cubinam vel domi suæ, vel etiam extra illam  
uxoris instar habere, qui enim fornicarius tan-  
tum est, hunc ait Schmalzgr. de jure prædictas  
pœnas non incurrere, alijs tenentibus contrarium

A 5

ob



ob verba disjunctiva Trid. *l. cit.* & praxin Curiarum in Germania. 2. Monitiones debent esse speciales, etiam in *notoriè* concubinarium, nec enim absque trina monitione hic beneficio privari debet. Vall. *h. n. 3.* 3. Crimen concubinitus debet esse aut publicum notorietate facti, aut sufficienter probatum per testes; licet enim hanc conditionem Trid. non exprimât, exprimit tamen *c. 3. h. t.* & à Trid. subintelligi credendum est. 4. Clericus debet esse beneficiatus, beneficio enim Ecclesiastico carens, & tamen peccatis talibus obnoxius, carcere, suspensione, inhabilitate ad beneficia puniri debet. 5. Episcopus, si à synodo provinciali monitus non abstinuerit, ipso facto suspensus est, & si perseveret, ad S. Pontificem deferendus. Trid. *cit. l.*

*Q. 4. Quid ulterius ratione pœnarum Clericis concubinariis statutarum notandum? Resp. 1.* Clericus concubinarius probabilius non tenetur ante sententiam judicis declaratoriam fructus beneficium sui restituere. arg. *c. 19. de hæret. in 6.* & ex ipso Trid. quo jubentur fructus ejusm. ipso jure amissi fabricæ Ecclesiæ applicari arbitrio Episcopi, utique Clericum criminis reum prius declaratis; nomine autem fructuum, quibus concubinariis privantur, distributiones quotidianæ non veniunt, quia in pœnalibus faciênda non est extensio. 2. Clericus concubinarius in suspensionem *propriè* dictam, quæ sit Censura, & ex cujus violatione incurratur irregularitas, ipso jure non incidit. Ratio, quia verba Trid. suspensio-



tionem distantis sunt tantum comminatoria 3.  
 Nec jure hodierno Sacerdotem concubinarium  
 fideles tenentur vitare in Missis, aut aliis officiis di-  
 vinis; quia per Extrav. Conc. Constantiens. *Ad*  
*evitanda.* vitandi solum sunt excommunicati no-  
 minati, ac publice denuntiati, vel notorii per-  
 cussores Clericorum. vide tamen Pich. *L. 5. de*  
*sent. excomm. n. 33.* ubi probabiliter contrarium  
 asserit. 4. Licet modo predicto Clerici compelli  
 possint ad dimittendas concubinas, aliasque  
 personas suspectas, non tamen ad juramentum de  
 eis amplius non recipiendis sunt cogendi. *c. 3. h. t.*  
 Ratio, quia juramentum est remedium subsidiari-  
 um, quod adhiberi non solet, nisi aliis remediis  
 deficientibus, talia autem non deficiunt, cum  
 suspensione, excommunicatione, depositione ad  
 has deferendas compelli possint. *Demum de jure*  
*communi* foeminae contra decorem Ordinis Cleri-  
 calis cum Clerico delinquentes subjiciuntur judici  
 Ecclesiastico; ob sacrilegium scil. quod ipsae cum  
 Clerico peccando committunt; in praxi autem  
 id non observatur.

## TITULUS III.

### De Clericis conjugatis.

**Q** 1. *An, qui & quo jure Clerici prohibeantur  
 inire matrimonium?* *Resp. 1.* Clerici in mi-  
 noribus tantum constituti, etiamsi fuerint bene-  
 ficiati, licite & valide matrimonium contrahunt.

*can.*